

آبونه شرالطی

داخل، خارجی، هریرایمبون
سنه لکی (۲۵۰)، آلتی آیلنی

(۱۳۰) فروشدر .

نسخه سی ۵ فروش ،

سنه لکی ۵۲ نسخه در

اداره خانه

باب عالی جاده سنده دائرة مخصوصه

اخطارات

آبونه بدلی پیشدر

مسلكه موافق آثار مع المنونیه

قبول اولنور . درج ایدلهین

یازیلر اعاده اولونماز

والله یهدی من یشاء الی صراط مستقیم

محمد عاكف

اشرف ارباب

اتبعون اهدکم سبیل الرشاد

دینی ، فلسفی ، علمی ، ادبی ، سیاسی هفتعلق مجموعه اسلامیة در

صاحب و مدیر مسئول

باش محرر

۱ کانون ثانی ۱۲۳۶

پنجشنبه

۹ ربیع الآخر ۱۳۳۸

عدد : ۵۳

جلد ۱۸

اخطارات

ادرس تبدیلنده آبرجه بهن

غروه کوندولمیدر

مکتوبلرک امضالری واضح

واوقوناقلی اولمی و آبونه سره

نومروستی محتوی بوتلی

لازمدر

مالک اجنبیه ایچوه آبونه اولانلرک

آدرس لری ناکفرا نمرجه ده یازلمی

رجا اولنور

بارده کوندردلیکی زمانه نه ده دایر

اولدهی واضحاً بیلدیرلمی

رجا اولنور

پوسنه لی اسلام هیئت مبعوثه سنه

شیخ الاسلام افندی حضرتله ملاقاتی

پوسنه لی اسلام هیئت مبعوثه سنی تشکیل ایدن ابراهیم افندی صاریچ، شگری افندی قورتوویچ، مطبطقی افندی قولینویچ، دو قور محمد باشیچ افندیلر بکن کون شیخ الاسلام افندی حضرتلرینی زیارت ایدرک بر جوق سؤاللر ابرار ایشلر وجوابلرینی آیشلردر. از جمله اسلامک مانع ترقی اولدیغه وملت مسئله لرینه دائر اولان بر قاج سؤال وجوابی نقل ایدیورز:

س — بزاسلاملر اوروپا مدینتدن استفاده ایتکه کندمنی مجبور کوریورز. حالوکه بعضی مناسلامیتی بویله بر استفاده مانع عدایدیور...
ج — اسلامیت هیچ روقت مدینت حقیقه به مانع اولماز اولماشدر. مهددن لحده قدرسی و عملی علم و معرفتک لزوم تعلیمی، صناعی، فلاحی، زراعتی، تجاری و کره ارضک هر طرفنده سیاحت اقتصادی و تجاریه بی، و معاصر اقوامک متوسل اولدینی هر درلو اسباب مشروعه و نافعیه بالمقابلته تشبثی مسلمانلره امر و واجب قیلمش اولان اسلامیتدر.

بعض مدقین حکمای اسلامیه نصوص موجوده ک احکام علمیه سنه نظراً انسانلری (۱) ارباب صنعت، (۲) اهل زراعت، (۳) تجار، (۴) اصحاب حل و عقد نامیه درت صنفه تقسیم ایدیور و بو درت صنفک خارجنده قالان انسانلری عالمه عدایدیور، یعنی حیات معیشتلرینی اصناف ازبجه رجالتک سیاحت و عنایتیه معلق طورنیور. آلات و ادوات لازمه ک اعمالنده کی اهمیت اولر و مه منی ارباب صنایع برنجی، بو آلات و ادوات تطبیقی ایله استفاده قیلمه سنده کی خدمتیه نظراً آزادی ایکنجی، بو ایکی صنفک مستحصلاتک امر مبادله سنده کی خدماتدن طولای تجاری اوچنجه، بواج صنف منتسبیتک موفقتلرینی تأمین و آسایش و انتظام عامه بی تقویتیه خادم قوانین وجوده کتیرمکده اولدقلرندن طولای اصحاب حل و عقدیه ده دردیجی صنف اولوق اوزره قید ایدیورلر. حضرت عمر تجارک قدسیتنی نظر اعتباره الهرق اخذ و اعطا محلی اولان چارشوده انقاس مبدوده حیاتی ا کاله موفق اولمسنه عنایت نیورمسنی جناب حقندن نمی ایشدر. بو قدر مزایای عالیه بی جامع اولان بر دین مبین هیچ روقت ترقی به مانع اولماز.

س — اسلامیت قومشورلی بولندیغمن خریستیان اقوام و حکومتلره حسن معاشرت مانعیدر؟

ج — اسلامیت مزایای عالیه سندن بری ده قومشورلیه حرمت ورعایتدر. اسلاملره قارشو خیر خواهانه مقابلده بولنانلره حرمت و رعایت وظیفه مزدر. حضرت پیغمبرله اصحاب کرامتک او وقتلر دخی خریستیان اولان حبشستان حکمداری ایله اهل سنه اولان حرمت و رعایت، مناسبات سیاسیه لری معلومدر. حتی اصحاب کرامدن بعضیلری اسباب معلومه به منی حبشستانه هجرته مجبور اوله رق حبشستاندن جدا حایه و محابته مظهر اولدیلر.

س — یوهو اسلامو عرفه منسوب بولندیغمن جهتنه ملیت ایجابی اوله رق بعض خریستیان حکومتلره برلشمه مزه دیناً مانع وارمیدر؟
ج — احکام اسلامیه ده ملیت و عناصر مسئله سی موضوع بحث

اوله ماز. اسلام اولمقدن اول اسلام اولدیغکیزی بیلیمکیز لازمدر. اسلامیت دینی و دنیوی منافی حکیمانه بر صورتده مزج و تلفیقه موفق اولمش بر دین عالی اولدیغندن ناشی هر شیده دستور حرکت اتخاذ ایتک لازم کلن اساس منافع اسلامیه در. مع مافیه بوسؤالکیزده محتاج ایضاح مهم بعض نقاطه تصادف ایتمکده اولدیغمن طولای حقیقی مقصدکیز هر ه دن عبارت ایسه سؤالکیزی اوصورتله ترتیب ایدر و لازمکلن جوابلری آله بیلیرسکیز.

شریعت و مشروطیت

دارالخلافه انکلیز لسانیه انتشار ایتمکده اولان (اوریه نت نیوز) خزنه سی مقام مشیخت جلیله ک صلاحیت و وظائفه دائر بر مقاله یازارقی سوکینده شو ملاحظه بی یورونیور:

«الحاصل ک اوافق جهتلیه وارنجه به قدر بوتون امور دولتی و مسلمان حیاتی اداره ایدن، حتی حکومتک داخل و خارجی سیاستی تدویر ایله بن شریعتک مأموری شیخ الاسلامدر. بناء علیه عناصر مختلفه بی نظر قانونده مسای طوتان بر مشروطیتی شیخ الاسلام افندیکن وضعیتی ایله تألیفه قطعاً امکان یوقدر.»

تاریخ عالمک شهادتیه ثابتدر که جهان مدینتک، عصر لرجه بشون سوزن قانلی مجادله لر دن سوکره، قسماً اله بیلدیکی مساواتی شریعت اسلامیه ده افرزای ظهورنده بوتون انسانلره ک واسع برشکله بخش ایتش و محاکم شریعت، پیغمبرک (ص.ع) یکنی و دامادی بولنان علی (ر.ض) ایله تبعه دن بر موسوی آرمنده تحدت ایدن حقوقه ماند بر دعوائی اولکنکک علینیه اوله رق فصل ایله مشدر.

خلفای راشدینک زماننده، امویلرک، عباسیلرک، سلجوقیلرک، عثمانیلرک ادوار شوکتنده غیر مسلم تبعه ک حقوقه مسلم تبعه ک دوننده طو تولدینی نه کورلش، نه ده ایشیدلشدر. بک اسکی تاریخلره حقیقه نه حاجت! حکومت عثمانیه ک دونا نامسی هند دکلر لنده دولشیر، اردوسی و یانه لری محاصره ایدرکن، استانبولده کی کلیسارک چاکلرینی صوصدیرمق کیمسه کک خاطرندن بیله کچمه مشدی. غیر مسلم تبعه کک دینلرینی، لسانلرینی، معبدلرینی، مکشیلرینی، عادتلرینی، عنعنه لرینی، جماعتلرینی تمامیه محافظه ایتلری دعوا من ایچون، دنیا بر آره به کلسه، نقض ایدیله میه جک بر دلیدر.

سلم اولک هیچ اولمازسه پای تخته کی غیر مسلم تبعه بی اسلام ایله هجرت آرمنده مخیر بر اقق ایسته منی اوزرینه اوزمان مقام مشیخته بولنان زنبیلی علی افندیکن «بولنرک ایکسینده شریعتک مساعده سی یوقدر.» دییه رک پادشاهک تصویریه قارشو طورمش اولدینی بوتون تاریخلرک مضبوطی اولان بروقه در.

مسئله بی یالکیز سیاست جهتدن محاکمه ایدن شرقی، غربی بر جوق مورخلر هم زنبیلی، هم شریعتی سیاستلرکله اتهامه قالدیشیرکن، بوکون عناصر آرمنده مساواتی ایجاب ایدن بر مشروطیتله شیخ الاسلامک موقعی فاصل تألیف اولونه بیلیر؟ ذیلک هر کسک معلومی اولان تاریخی بر حقیقتدن تغافل در که بزبونی اوریه نت نیوز کی مدنی بر خزنه به یاقیشدیر مادیق.. دارالحکمة الاسلامیه